

Pablo Timoteore ape pūrī ojanemo'que ni'i

A'ti pūrī a'tiro weero ojano'pā nise ni'i

Pablo Timoteore Romapū bu'iri da'reri wi'ipū nīgū, ojacū niwī. Cū Timoteore ojamū'tāca pūrīrē a'tiro ojacū niwī: “Yū'ū bu'iri da'reri wi'ipū nise wapa nipe'tiropū Jesucristo ye queti se'saro wee'e”, ni ojacū niwī. A'ti pūrīma ti pūrī weronojō ojaticū niwī. Asia di'tacjārā cūrē bu'iri da'reri wi'ipū nicā, bopoyasācārā niwā. Tojo weegū nipe'tirā cō'awā'cāno'caro weronojō tū'oña'cū niwī. Luca, tojo nicā Onesíforo ya wi'icjārā dia'cū cūrē wācūtutuacā wéérā, bu'iri da'reri wi'ipū nigūrē bopoyasāticārā niwā. Pablo “Ni'cūta nisa'a” ni tū'oña'gū, cū me'rācjārā waro Timoteore, Marcō cū tiropū pijiocū niwī. Troapū cū cūu'que paperare, cū yaro asibusurore miitidutiganojōta pijiocū niwī. Cū “Maata wērīgūsa'a”, ni wācūcū niwī. A'ti pūrī cū ojatūoca pūrī ni'i.

Pablo Timoteore oja'que ni'i

¹ Yū'ū Pablo Jesucristo besecū'cū ni'i. Cū yū'ure Ō'acū ūaronojōta cū ye quetire weredutigū o'ówī. A'te queti a'tiro ni'i. Ō'acū “Jesucristore ējōpeorārē catinu'cūcā weegūti”, nicū niwī. Cū ní'caronojōta yū'ure tere weredutigū o'ówī.

² Timoteo, mu'urẽ yu'u maigũrẽ oja'a. Mu'u Jesucristo ye quetire yu'u werecã, añurõ ãjõpeowu. Tojo weegu mu'u yu'u macũ weronojõ ni'i. Õ'acũ marĩ pacu, tojo nicã Jesucristo marĩ wiogu mu'urẽ añurõ weeato. Pajaña'to. Mu'urẽ ejerisãjãcã weeato.

“Jesucristore ãjõpeorã ãpẽrãrẽ a'tiro weeroua'a” nise ni'i

³ Yu'u Õ'acũrẽ sãrĩsetirinucũ mu'urẽ wãcũ'u. Mu'urẽ wãcũgũ, ñamipu, umucopu Õ'acũrẽ e'catise o'o'o. Cũrẽ yu'u ñecũsumua ãjõpeoseti'caronojõta ãjõpeo'o. Yu'u bu'iri moogũ tu'oña'gũ, cãrẽ ãjõpeo'o. ⁴ Timoteo, mu'urẽ pũrõ wãcũ'u. Yu'u mu'u tiropu ní'cu wijacã, mu'u uti'quere wãcũnu'cũcã'a. Mu'urẽ pũrõ ã'asĩ'risa'a. Mu'urẽ ã'agũ, e'catiguti ní'gũ, tojo wãcũ'u. ⁵ Mu'u Jesucristore queoro ãjõpeosere yu'u wãcũ'u. Mu'u ni'cãrõacã ãjõpeosere mu'u ñecõ Loida, tojo nicã mu'u paco Eunice ãjõpeomu'tãwã. Mu'u quẽ'rã tereta ãjõpeosirutugu wee'e.

⁶ Tojo weegu mu'u a'tiro weecã ua'a. Õ'acũ mu'urẽ weeduti'quere tutuaro me'rã weenu'cũcã'ña. Todaporo yu'u mu'urẽ ñapeocã, Õ'acũ mu'urẽ añuse masĩsere o'owĩ. Tere nemorõ añurõ weenu'cũcã'ña. ⁷ Õ'acũ marĩrẽ Espĩritu Santure o'ówĩ. Cũrẽ o'ógũ, uidutigũ mejẽta o'owĩ. Tojo o'ogu, tutuase o'ogure, ma'ise o'ogure, queoro wãcũse o'ogure o'owĩ. ⁸ Tojo weegu marĩ wiogu ye quetire weregu, bopoyaticã'ña. Yu'u quẽ'rãrẽ Jesucristo ye queti bu'ese wapa, bu'iri da'reri wi'ipu

yu'u dujicã, bopoyasãticã'ña. A'tiro pe'e weeya. Jesucristo ye quetire wereya. Tojo werese bu'iri mu'u quẽ'rã ña'arõ yu'rugusa'a. Tojo wa'acã ï'agũ, "Añurõsa'a", ñiña. Õ'acũ mu'urẽ tutuaro o'oro põtëorõ tojo weeya. ⁹ Õ'acũ marĩrẽ pecame'epu wa'abo'cãrãrẽ yu'rũweticã weewĩ. Cũ añurõ weecã uagu, cũ uaro weedutigu marĩrẽ besecu niwĩ. Marĩ añuse weesetisere ï'agũ mejëta besecu niwĩ. Cũ pe'e marĩrẽ añurõ weesĩ'rĩgũ besecu niwĩ. A'tiro ni'i. Õ'acũ marĩrẽ ma'ígũ, Jesucristo marĩrẽ yu'rũoatjere wãcũcu niwĩ. Tere a'ti turi weese duporo wãcũtojacu niwĩ. ¹⁰ A'tocateroma marĩrẽ yu'rũogu, Jesucristo a'tise me'rã cũ ma'isere ï'owĩ. Marĩ pecame'epu wa'abo'cãrãrẽ yu'rũweticã weewĩ. Tojo nicã a'tiro masĩcã weewĩ. Marĩ cũ yu'rũose quetire tu'o ëjõpeorã, catinu'cũrãsa'a nisere masĩcã weewĩ.

¹¹ Õ'acũ te quetire yu'ure weredutiwĩ. Judío masã nitirãrẽ bu'edutigu yu'ure besecũwĩ. ¹² Te quetire werese bu'iri yu'u pũrõ pi'eti'i. Tojo pi'etinigũ, bopoyawe'e. Yu'u Jesucristore masĩ'i. "Cũ ní'quere queorota weegusami", ni'i. Cũ tutuagu nimi. Yu'ure te queti wereturiase cũu'quere añurõ co'teyapada'reogusami. "Tée apaturi a'tigupu, co'tenu'cũgũsami", ni'i. Tojo weegu yu'u ne bopoyawe'e.

¹³ Yu'u mu'urẽ bu'e'quere queoro bu'ewã'cãña. Añurõ ëjõpeosetiya. A'merĩ ma'ña. Marĩ Jesucristo me'rã nĩrã, tojo weemasĩ'i. ¹⁴ Espíritu Santu marĩpũre nimi. Cũ weetamuse me'rã Õ'acũ mu'urẽ weredutigu

cũu'quere añurõ bu'eya.

¹⁵ Mũ'u masĩtoja'a. Nipe'tirã Jesucristore ãjõpeorã, Asiacjãrã yũ'ure cõ'awijape'tia wa'awã. Na wa'tero ní'cãrã quẽ'rã Figelo, tojo nicã Hermógenes mejãrõta weewã.

¹⁶ Onesíforo pũrĩcã tojo weetiwi. Õ'acũ cũrẽ, cũ ya wi'icjãrãrẽ pajaña'gũsami. Pejetiri Onesíforo yũ'ure wãcũtutuacã weewĩ. Apeye quẽ'rãrẽ yũ'u bu'iri da'reri wi'ipu nimicã, yũ'ure bopoyasãtiwi. ¹⁷ A'tiro pe'e weewĩ. Cũ Romapu ejagu, yũ'ure uputu a'macu niwĩ. Téé bocagupu, a'madu'uwĩ. ¹⁸ Marĩ wiogu masãrẽ beseatji numũ Onesíforore pajaña'to. Cũ marĩrẽ Éfesopu weetamu'quere mũ'u añurõ masĩsa'a.

2

Pablo Timoteore queoro weedutise ni'i

¹ Timoteo, mũ'u yũ'u macũ weronojõ nigũrẽ a'tiro nigũti. Jesucristo mũ'urẽ añurõ weemi. Tojo weegu cũ weetamuse me'rã cũrẽ ãjõpeonu'cũcã'ña. ² Yũ'u pãjãrã masã tu'oropu bu'e'quere wereturiaya. “Ã'rãta yũ'u bu'esere ãpẽrãrẽ queoro wereturiatu'sama” ni, mũ'u ĩ'arãnojõrẽ wereya.

³ Mũ'u Jesucristo ye quetire werese bu'iri mũ'urẽ ña'arõ wa'arosa'a. Ësãrẽ wa'a'caro weronojõ wa'arosa'a. Mũ'urẽ tojo wa'acã, wãcũtutuaya. Surara weronojõ weeya. Cũrẽ mejẽcã wa'acã, wãcũtutuasami. ⁴ Surara cũ wiogu dutise dia'cũrẽ weesami. Surara nitigu weronojõ weetisami. Tojo weegu mũ'u cũ weronojõ weeya. Jesucristo ye dia'cũrẽ weeya.

⁵ Apĩ quẽ'rã omarĩ masũ cã wiorã dutisenojõrẽ queoro weetigu, wapata'atisami. Na cãrẽ o'obo'quere o'otisama. Tojo weegu añuse bocasĩ'rĩgũ, Jesucristo duti'quere queoro weeya. ⁶ Ni'cũ wesepu añurõ da'ragunojõ ti wese cjase ducatisẽ me'rã dua wapata'amasĩsami. Mu'u te weronojõ Õ'acũ ye cjasere añurõ bu'égũ, te wapa mu'u quẽ'rã wapata'amasĩ'i. ⁷ Yu'u weresere wãcũnurũña. Mu'u tojo weecã, marĩ wiogu nipe'tisere mu'urẽ masĩcã weegusami.

⁸ Jesucristore wãcũña. Cã wẽrĩ'cu nimigũ, masãcu niwĩ. Cũta dũporocjã wiogu Davi pãrãmi nituriagu nimi. Yu'u Jesucristo ye añuse quetire weregu, tereta werewu. ⁹ A'te queti werese bu'iri yu'u pi'etisa'a. Yu'u ña'arõ weegũ weronojõ bu'iri da'reri wi'ipu ni'i. Õ'acũ ye queti pũrĩcã nipe'tiropu nibi'atoja'a. Yu'ure bu'iri da'reri wi'ipu bi'adũpo'que weronojõ niwe'e. ¹⁰ Tojo weegu yu'u pi'etimigũ, wãcũtutua'a. Õ'acũ bese'cãrãrẽ añurõ wa'ato nígũ tojo wee'e. Na quẽ'rã marĩ weronojõ Jesucristore ãjõpeorã, yu'ruono'rãsama. Añubutiasere bocarãsama. Catinu'cũcã'rãsama. Tojo weegu nipe'tisere wãcũtutua'a.

¹¹ A'tiro nise diacjũta ni'i:

Marĩ Jesucristore ãjõpeose bu'iri ãpẽrã wẽjẽbosama.

Na tojo wẽjẽcã, marĩ Jesucristo me'rã u'musepu catinu'cũrãsa'a.

¹² Marĩ pi'etirã wãcũtutuarã, cã wiogu nirõpu cã me'rã wiorã nirãsa'a.

“Cūrē masītisa'a” nicā, cū quē'rā marīrē
 “Masīwe'e”, nigūsami.

13 Marī cūrē añurō ějōpeotimicā, cū pe'e
 nipe'tise “A'tiro weeguti” ní'quere queoro
 weenu'cūsami.

Õ'acū ne ni'cāti nisoomasītisami.

Pablo Timoteore queoro bu'edutise ni'i

14 Mũ'u bu'erārē a'te dũporo yũ'u oja'quere
 wācūdutiya. Āpērā ucūsetirinacū “Tojo mejēta
 ni'i”, nisama. Diacjũ marī wiogu tũ'oropũ na
 tojo nisetisere du'udutiya. Te ucūse wapa-
 marī'i. Āpērā wācūsere dojorēma. 15 Mũ'u
 pe'e Õ'acū yere añurō bu'eya. Tojo nicā cū
 yere queoro weeya. Mũ'u tojo weecā ĩ'agũ,
 mũ'urē “Añurō weemi”, nigūsami. Queoro
 wéégũ, mũ'u da'rasere bopoyasome. Diacjũ
 cjasere Jesucristo ye quetire queoro wereturi-
 aya. 16 A'ti turi cjase diacjũ nitisere na ucūcā,
 ucūtamuticā'ña. A'tiro ni'i. Tere ucūrā, nemorō
 siape me'rā ña'arā wa'asama. 17 Na bu'ese
 marī upũpũ cāmi boase'saro weronojō āpērārē
 pē'rīpejawā'cāsa'a. Ā'rā puarā Himeneo, Fileto
 te boase weronojō masārē bu'érā, dojorēma.
 18 Ā'rā Õ'acū ye quetire queoro bu'etima. A'tiro
 nima: “Masā wērī'cārā masātojacārā niwā”,
 nima. Na tojo nicā tũ'orā, āpērā “¿Ěsā de'ro
 ějōpeorāsariba?” ni wācūma. 19 Õ'acū cū
 ucūse cūu'que pūrīcā tutuari wi'i yeenu'cō'que
 weronojō ni'i. Cū ye queti ne dũcayuwē'e.
 A'tiro ni'i. “Marī wiogu Jesucristo cū yarārē

masĩsami.” Tojo nicã “Nipe'tirã ‘Jesucristo yarã ni'i', ni wãcũrã ña'arõ weesere du'uatõ.”

²⁰ A'te queosere wereguti. Ni'cũ peje cuogu ya wi'ipure peje bapari nisa'a. Uru me'rã wee'que pari, plata me'rã wee'que pari nisa'a. Tojo nicã apeye yucu me'rã wee'que pari, di'i me'rã yee'que pari nisa'a. Bosenũmu nicã añuse parire na ba'awuaropu peosama. Apeye parire mejõ nirĩ numu peosama. ²¹ Marĩ a'te weronojõ ña'asere weetirã, bosenũmu nicã añuse pari peose weronojõ nirãsa'a. Marĩ wiogu yarã waro nirãsa'a. Cũ nipe'tise añurõ weedutisere queoro weerãsa'a.

²² Tojo weegu mu'u ma'mapjia na uaripejasenojõrẽ weeticã'ña. Queoro weeya. Jesucristore ejõpeoya. Masã quẽ'rãrẽ ma'ña. Tojo nicã a'mequẽse marĩrõ niña. Nipe'tirã queoro weerã Õ'acũrẽ ejõpeorã me'rã añurõ nicã'ña. ²³ Æpẽrã tojo ucũma'acã, na me'rã ucũtamuticã'ña. Na tu'omasĩtima. Mu'u masĩ'i, na tojo ucũrã na uaro a'metu'tiyapatisama. ²⁴ Mu'u marĩ wiogure da'raco'tegu ni'i. Ne a'metu'titicã'ña. A'tiro pe'e weeya. Nipe'tirã me'rã añurõ niña. Narẽ añurõ bu'e, na mu'urẽ ña'arõ weesĩ'rĩcã, tojo tu'oña'cã'ña. ²⁵ Mu'u bu'esere tu'osĩ'rĩtirãrẽ añurõ pajaña'se me'rã narẽ “A'tiro pe'e añurõ weeya”, niña. Õ'acũ na ña'arõ wee'quere ducayugusami nĩgũ, tojo niña. Na ducayurã, diacjũ cjasere ejõpeorãsama. ²⁶ Mu'u narẽ tere werecã, tu'omasĩrãsama. Tojo weerã wãtĩ yarã, cũ dutiro weemi'cãrã yu'rawetiwijarãsama.

3

“A'ti turi pe'tise dɔporo dicuse ña'ase wã'cârõsa'a” ní'que nì'i

¹ Mɔ'u a'tere tɔ'omasĩña. A'ti turi pe'tise dɔporo peje ña'ase wã'cârõsa'a. A'tiro wa'arosa'a. ² Masã na ye cjase dia'cūrẽ ɔarāsama. Niyerure ɔaripejarāsama. “Āpērã yu'ruoro añuyu'runu'cã'a”, ni wãcūrāsama. Masĩbutiarã weronojō ucūma'arāsama. Ō'acūrẽ ɔatirã, ña'arō cūrẽ ucūrāsama. Na pacusumɔarẽ yu'runu'cārāsama. Āpērã narẽ añurō weemicã, “Ĕsārẽ añurō weeapɔ”, ne nisome. Narẽ e'catise o'osome. Wiopesase me'rã Ō'acūrẽ ějōpeosome. Marĩ ějōpeosetisere mejō nisere weronojō wãcūrāsama. ³ Ne āpērārẽ ma'isome. Pajaña'se moorāsama. Ucjasepijarã nirāsama. Na no'o ɔaro ña'arō weesĩ'rĩsere weerāsama. Āpērārẽ ña'arō pi'eticã weerāsama. Ne cã'rō añusere ɔasome. ⁴ Na me'rãcjārã nimi'cārārẽ ña'arō weerāsama. No'o ɔaro weema'acã'rāsama. Na ɔpɔtɔ “Āpērã yu'ruoro añuyu'runu'cã'a”, ni wãcūrāsama. Ō'acũ pe'ere wãcūrōnojō o'orã, e'cati nisetisenojō dia'cūrẽ wãcūrāsama. ⁵ Ō'acūrẽ ějōpeorã weronojō weesoorāsama. Na weesetise me'rã pe'e Ō'acũ tutuasere “Tojo niwe'e”, nirāsama.

Nanojō me'rã ne cã'rō ba'patima'aticã'ña.

⁶ Na tojo weerãnojō a'tiro weesama. Ucūme'rĩse me'rã wi'seripɔ sãjãasama. Sãjãa, numia tiro todɔporo ña'arō wee'cārã bu'iritirã,

wăcūtutuatirărē nisoō dojorēsama. Narē mejēcă ejōpeocă weesama. Na numia nipe'tise ña'arō weesere ɰaripejasama. ⁷ Nipe'tise bu'esere masĩsĩ'rĩmiră, ne diacjũ cjasere masĩtu'ajatisama. ⁸ Numiarē nisoori masă puară Janes, Jambres weronojō nima. Na đuporopu Moisé nícateropure na Egiptocjără tũ'oña'rĩ masă nicără niwă. Na Moisére ĩ'atu'ticără niwă. Diacjũ cjasere ne ɰaticără niwă. Na weronojō ă'ră quěră diacjũ cjasere ɰatima. Ña'arō wăcũpo'cără ne queoro ejōpeomasĩtima. ⁹ Na ucũma'ase maata pe'tirosa'a. Nipe'tiră na ucũcă tũ'oră, “Tojo nima'ară weema”, nirăsama. Moisére ɰati'cără Janes, Jambriere weronojō wa'arosa'a. Titapure na nima'asere masă masĩcără niwă. Mejărōta tja ă'ră quěrărē na nima'asere masĩrăsama.

Pablo Timoteore “A'tiro weeya” cũ nituo'que ni'i

¹⁰ Mũ'u pũrĩcă yũ'u bu'ese nipe'tisere aňurō masĩ'i. Yũ'u weesetisere, yũ'u weesĩ'rĩsere masĩ'i. Tojo nică yũ'u Ő'acũrē ejōpeosere masĩ'i. Āpěră queoro weetică, yũ'u tojo tũ'oña'sere mũ'u masĩ'i. Yũ'u ma'isetisere, mejēcă wa'acă wăcūtutuasere mũ'u masĩ'i. ¹¹ Masă yũ'ure ña'arō weecă, pi'etiwm. Nipe'tise a'te macărĩpu wa'a'quere mũ'u masĩ'i. Antioquíapu, Iconioapu, Listrapu yũ'u pi'eti'quere mũ'u masĩ'i. Pi'etisetirinucũ marĩ wiogu yũ'ure yũ'răwetică weewĩ. ¹² Diacjũta ni'i. Jesucristore ejōpeoră nipe'tirărē Ő'acũ ɰaronojō aňurō weesĩ'rĩrărē ăpěră ña'arō weerăsama. ¹³ Ña'arĩ masă, tojo

nicã nisoori masã nemorõ ña'arõ weenemope-orãsama. Nisoornemowã'cãrãsama. Nisoorã nimirã, na quẽ'rã nisoono'o, ejõpeorãsama.

¹⁴ Mũ'u pũrĩcã mũ'urẽ bu'e'quere queoro ejõpeonu'cũcã'ña. Queoro weeya. Mũ'u tere “Diacjũta ni'i”, nisa'a. Mũ'u mũ'urẽ bu'e'cãrãrẽ masĩ'i. ¹⁵ Mũ'u wĩ'magũputa Õ'acũ ye queti ojaca pũrĩ cjasere masĩnu'cãwũ. Tere bu'égũ, mũ'u Õ'acũ yere masĩwũ. Masĩ, Jesucristore ejõpeose me'rã yu'ruono'wũ. ¹⁶ Õ'acũ ye queti ojaca pũrĩ cjasere ojadutigũ, cũ masĩse o'ose me'rã ojaduticu niwĩ. Te oja'quere bu'érã, diacjũ nisere masĩno'o. Marĩ ña'arõ wee'que quẽ'rãrẽ “Ña'a ni'i”, nino'o. Marĩ ña'arõ wee'quere ducayumasĩcã wee'e. Tere bu'érã, queoro weenu'cũmasĩ'i. ¹⁷ Õ'acũ cũ yarãrẽ nipe'tise añurõ weesere weemasĩato níngũ cũ ye cjasere ojaduticu niwĩ.

4

¹ Jesucristo nipe'tirã wiogu tutuaro me'rã a'tigusami. A'tigu, masã catirãrẽ, wẽrĩ'cãrãrẽ besegusami. Õ'acũ, tojo nicã Jesucristo tu'oropure mũ'urẽ a'tiro weeduti'i. ² Masãrẽ Õ'acũ ye quetire wereya. Nipe'tisetiri masã tu'osĩ'ricã, wereya. Na tu'osĩ'rĩticã quẽ'rãrẽ, werenu'cũcã'ña. Mũ'u weresere tu'orã, ejõpeorãsama. Na queoro weeticã, tu'tiya. “A'tiro weeroua'a”, niña. Narẽ bu'égũ, queoro pajaña'se me'rã wereme'ricã'ña. ³ Be'ropure masã añuse bu'esere uatirãsama. Tojo weegu a'tiro nicãrẽ queoro bu'ewe'oya. Be'ropure

a'tiro wa'arosa'a. Na, na ɯaro weerāsama. Na tu'otu'sase dia'cūrē tu'osi'rīrāsama. Tojo weerā tere bu'eajā pājārārē a'marāsama. ⁴ Na diacjũ cjasere tu'osome. Nipe'tise no'o werema'ase pe'ere tu'orāsama. ⁵ Timoteo, mu'u pūrĩcā queoro wācũña. Mu'u Jesucristo ye quetire werecā, masā mu'urē ña'arō weerāsama. Na tojo weecā, wācūtutuaya. Jesucristo masārē yu'ruomi nise quetire du'ucūurō marīrō werenu'cūcā'ña. Mu'urē weeduti'quere weetu'ajanu'cōña.

⁶ Yu'u wērĩatjo cā'rō du'sa'a. Yu'ure masā Ō'acūrē wa'icūrārē ũjũamorōpeo'caro weronojō wa'arotiro wee'e. Tojo weegu mu'urē tojo duti'i. ⁷ Yu'u Jesucristo ye quetire weregu, nipe'tise yu'u tutuaro pōtēorō weewu. Nipe'tise Ō'acũ yu'ure duti'quere tu'ajatoja'a. Ne cūrē ějōpeodu'uwe'e. ⁸ Ni'cārōacārē majā Ō'acũ yu'ure añurō wee'que wapa o'otaje du'sa'a. Marī wiogu Ō'acũ masārē beseatji numu nicā, yu'ure o'ogusami. Cũ masārē queoro besemi. Yu'u dia'cūrē o'osome. Nipe'tirā cūrē ějōpeorā cū a'tiatjere ɯarārē o'ogusami.

Pablo cū ye cjasere were'que ni'i

⁹ Mu'u pōtēorō a'tita basioro yu'u tiropu maatacure ĩ'agũ a'tia. ¹⁰ A'tiro ni'i. Crescente wāmetigu Galacia wāmetiropu wa'awĩ. Tojo nicā Tito Dalmaciapu wa'awĩ. Demas pūrĩcā a'ti turi cjasere nemorō ma'iyu'rũnu'cāgũ, yu'ure cō'awā'cā wa'awĩ. Cũ Tesalónicapu wa'awĩ. ¹¹ Luca dia'cũ yu'u me'rā nimi. Marcore a'maña. Mu'u me'rā a'tiato. Cũ yu'ure weetamusere ɯa'a.

¹² Yu'u Tíquicore Éfesopu o'ówu. ¹³ Mu'u a'tigu, yaro su'tiro asibusuro bu'icjārōrē miitia. To Troa wāmetiri macā Carpo ya wi'ipu nisa'a. Yé papera tūrūrīrē miitia. Wa'icūrā caseri me'rā oja'que yé caserire acobojotibutiacā'ña.

¹⁴ Alejandro cōme me'rā da'rari masũ yu'ure ña'abutiaro weewĩ. Ō'acũ marĩ wiogu cũ wee'caro ejatuaro cūrē bu'iri da'regusami.

¹⁵ Mu'u pūrīcā cūrē tu'omasña. Cũ marĩ bu'esere ne uatiyu'ruami.

¹⁶ Ne waro wiorā yu'ure sērītiña'cā, ne ni'cũ yu'ure weetamutiwĩ. Nipe'tirā yu'ure cō'awā'cā wa'awā. Ō'acũ na tojo wee'quere acobojocā u'a'a. ¹⁷ Ō'acũ pūrīcā yu'ure weetamuwĩ. Yu'ure tutuase o'owĩ. Tojo weegu wiorārē yu'u a'tiro werewu. Jesucristo masā ña'arō niseti'quere yu'ruomi nise quetire narē werepe'ocā'wũ. Nipe'tirā a'ti umucocjārā judío masā nitirā te quetire tu'oato nígũ tojo werewu. Apeye quē'rārē Ō'acũ yu'ure a'tiro weewĩ. Yaiwa ba'ano'bo'cure weronojō wiose wa'teropu nigūrē yu'ruweticā weewĩ. ¹⁸ Tojo nicā nipe'tise yu'ure be'ropu ña'arō weeatjere yu'ruweticā weegusami. U'musepu cũ wiogu nirōpu yu'ure miagūsami. Masā Ō'acūrē añurō ucūnu'cūato. Tojota wa'ato.

Pablo añudutituo'que ni'i

¹⁹ Prisca, Aquila añuato. Tojo nicā Onesíforo ya wi'icjārā quē'rā añuato. ²⁰ Erasto Corintopu tojaque'awĩ. Trófimoma dutitigure Miletopu cō'awā'cātiwu. ²¹ Mu'u pōtēorō a'tita

basioro pu'ecu dūporo a'tia. Eubulo, Pudente,
Lino, Claudia, nipe'tirã marĩ acawererã mu'urẽ
añudutima.

²² Jesucristo marĩ wiogu mu'u me'rã niato.
Õ'acũ musã nipe'tirãrẽ añurõ weeato.

Tocã'rõta oja'a.

Pablo

Õ'âkã hi yeere uúkũri turi Tukano New Testament in Tucano (BR:tuo:Tucano)

copyright © 2009 Wycliffe Bible Translators, Inc.

Language: Tucano

Translation by: Wycliffe Bible Translators, Inc.

Tucano [tuo], Brazil

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tucano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2020-12-01

PDF generated using Haiola and XeLaTeX on 11 Nov 2022 from source
files dated 9 Oct 2020
00ebd04f-7b0d-5a72-9407-eb53ae2bd086